



NEXT MAGAZINE #1303

February 26, 2015

廣告時間

你有某財團嘅黑幕想爆？你知邊間上市公司造假？

你仲想舉報地產霸權嘅不公？

歡迎你將財金界嘅冤屈或過癮八卦事，

爆俾《壹仔》財經組知，

一切報料，

均會保密！

爆料熱線/whatsapp:
6829 5929



金牙大狀 民望高錫煙民

鬚鬚曾未公布預算案，增加煙稅之說已甚囂塵上，吸煙與健康委員會更加話加到每包一百蚊以上，班煙民先至會覺得入肉，收到促進戒煙之效。反之，食衛局長民望高則出榜安民，話即使加煙稅亦會考慮市民承擔能力云云。此民望高之所以民望高也。

按理加唔加煙稅由鬚鬚曾話事，幾時輪到民望高出聲？即使出聲，食衛局職責乃在促進市民之健康，好應同吸煙與健康委員會統一口徑，寓禁於徵，一於加稅加到班煙民怕怕為止。民望高捨此而不由，反而掉轉頭安慰班煙民，話即使加都會錫住佢哋嚟加，好似慌死佢哋食唔起煙咁嘅款，莫非食煙唔係政府宣傳咁講，會危及健康？



民望誠可貴，但係唔係可貴到不惜將之建築喺煙民嘅黑肺之上呢，民望高？

民望高慌死嚟煙民食唔起煙？

中環人語 迷你版

麒麟力量相當有勁。

估中邊個中環人講呢句說話，

送你 JWATCH J-33

藍寶石鏡面限量版手錶一隻

有意參加者，請於二月二十五日（星期三）下午一時後，

將答案、姓名及聯絡電話電郵至 centralman@nextmedia.com

小宗只接受電郵，郵寄免問。

上週人語揭曉

細價樓三個月內爆煲。

答案

湯文亮

得獎者：Leung Pui Man

中獎時間：1:00pm 18/2/15



本刊員工及直系親屬不得參加。
為求公平及杜絕偷步搶答起見，請於每個星期三下午一時後來電郵競猜答案；在此之前發出之電郵作廢。
超過一位讀者估中，先到先得，恕不接受上訴。
答案及中獎者姓名將於下期本欄揭曉。



唐人有飛士

加拿大總理哈柏（右）不遠千里到譚馬士·馮喺列治文之時代廣場出席羊年倒數，認真俾飛士也。

大陸經濟放緩，入口原材料大跌，累到加紙貶值。不過，咁反而凸顯唐人今時唔同往日嘅身份同地位。👉何以見得？

年卅晚大除夕，加拿大總理哈柏不遠千里由渥太華去到溫哥華列治文之時代廣場出席羊年倒數。據商場老闆譚馬士·馮講，加拿大史上未試過有總理到私人商場慶祝唐人新年，哈柏撥冗光臨，係破天荒第一趟。何止係唐人有飛士，馮老闆又何嘗唔係飛士十足？👉

不過咁都仲未夠嚟，除咗總理，溫哥華所在之BC省省長、時代廣場所在之列治文市市長通通齊齊參與倒數活動，直情賓虛咁嘅場面。乜嘢叫做飛士？各位，咁就係叫做有飛士啦。👉

中！股壇長毛發新年財

股壇長毛David Webb，

多年來都有個 Christmas

pick嘅習慣，呢幾年

雖然無咗，但唔代表

無「尾胡」食過。去

年八月，佢因為hold

住鱷魚恤（122）多過五

個巴仙而被曝光，本刊問佢原

因，佢話鍾意呢隻股資產折讓大。嗱，唔夠

半年，已經有回報。過年前鱷魚恤發通告，話有獨立第三方想買大股東林建名手上五成股權，呢個新買家仲落三千萬元訂睇盤數。👉

跟住鱷魚恤嘅股價就被熱炒咯，一開市已經爆升五成，午市之後仲開turbo升近九成，創上市新高添！林生搞呢間公司咁耐，都未試過咁風光。不過林生風光，都唔及David Webb好眼光！佢入貨時只係\$0.4，股價本週一最高升至\$1.1。David Webb賬面已賺三千二百多萬元，真係笑住過肥年！👉

佢回覆小宗話，隻股嘅有形資產淨值，約為每股一元六角，其中絕大部分來自投資物業；而投資者亦要留意交易成事的機會只是一半半。鱷魚恤小股東收到有？👉

